

石
筍
山
房
集

石筍山房文集卷四

山陰胡天游雲持

碑

首陽山夷齊廟碑

天地有和肅肅爲炁冬其氣至清得其氣者其人行
至高性至潔不可一世孤往邁絕上抗遂古視天下
無足與適而安其身此與天爲徒者伯夷叔齊是也
論語記其餓于首陽後言二子者異說雜出謂二姓
之際恥食周粟甘茲采薇嗚呼子觀三代下士抗志
節不同易身若此蓋有何必夷齊能然且僅若是安

足盡夷齊大抵二子居身至潔高絕自處憫俗爲汙
舉世皆非甘餓不悔豈特區區殷周閒事乎孟子謂
伯夷絕惡人朝衣冠坐塗炭若將浼己去恐不速又
曰聞伯夷之風頑夫廉懦夫立夫天地既肅華者零
脆者堅柔者烈莫不懍懍去其靡敝彼二子者天地
不周廣莫之風也非是無以震易一世斯爲聖人之
清子以爲知二子者莫若孟子湯旣放桀讓天下于
務光務光恥焉自沈于河行頗夷齊類然不聖光獨
聖夷齊蓋二子之清其與人甚厚嫉惡至嚴者以君
子望待天下幾盡去濁而歸乎絜則聖人之心焉昔

時議者或謂伯夷皇民雖虞夏之帝猶不得而用況
乎商周予然後知叩馬以諫當無其事特出史書之
誣彼豈不知紂之當伐武王不可說止而尙爲是哉
諫焉勿聽始乃就餓奚以成其高卽登山作歌馬遷
所錄要亦勿足多信若莊周之徒以二子爲近名殆
與東方生指稱古之愚夫滑稽放言君子所棄呂不
韋謂武王葬伯夷用將軍禮陳彭年假春秣少陽墨
允墨智安爲姓名尤鄙且野何後世之多惑也予登
首陽瞻墓祠讀所列碑皆少能得夷齊意如孟子說
書石發之

玉清宮碑

原夫發揮帝載之先張闕王猷之始通署調陽爰資
乎資弼司天主上乃寄乎沃心于是雷雨平屯股肱
佐難飛揚壯傑之心慷慨經綸之氣莫不思以動日
月思以列箕辰耀洪伐于鐘旒之前鎮光跡于河帶
之表舟壑俄徙風霜再淪歌舞恆畱山川不歇可爲
豪矣可爲煒矣然而域中之略雖廣參同之思未宏
語元趣則眇其鴻毛傲真風且未當一喙是以通明
有契高哲所懷旣崇世載之勤兼蹈實還之步鵬搖
天咫尺舍力萬而甯風鯨徙溟波豈三千而論解是以

歸劉謝漢僊師之松石可尋變姓沼吳滄海之陽東
何遠亦有果市丹沙一弦成曲金堂水玉千洞飛形
鎬京榮靈宅之名使者聘中山之道若乃理極歸根
情殷濟世朱門黃屋初無往往之心白日青天正復
去而奚遠渺迹外臣參勛有亂者倘憂可得而言歟
先生邱氏諱處機字通密登州人也下斗星于曲阜
蘭期則世孝旣宣訪真誥于華陽許邁則陰功且篤
稚川珠珮上宿貽祥貞白金爐天人入夢蘅薇降位
張陵開鳴鶴之山嬰敷誕靈元祿哀商關之氣生宋
高宗紹興十八年當金皇統紀號之八載芝眉月宇

方願綵瞳超斧子之丰神得道君之好相雖鸞鸞未
振而霞標已翔髻稚時有善相者見曰神僊宗伯也
若夫羨門跨青騾之岸安期畱赤易之鄉波明樓堞
如開方丈之圖山對蓬萊卽是青邱之宅巖前採橡
石乳恆逢洞口彈碁瑤姝乍見先生年十九游而樂
之于是遣世因頓塵容卷沛澤之林才游幽微之瓊
思居方以外寄跡全真嗣重陽之北宗受東華之大
道新篁人聽奏松風于樓上白石可餐和雲液于巖
間雖山邱夙具無煩證道之功而雌牝猶勤迫舍谷
神之妙旣乃右英密告太白靈呪司馬高赤城之譽

扶晨標終籍之名大文絜壁方遲徐市之車玉鉞珠
旌先布莠盈之誥道成無土靈治杳冥扇元颿于宇
宙之間嗚瑞號于王公之口斯時也四域鼎分九州
輻裂風埃湧洞坤輿蒼黃璇魁斗柄不度南箕和叔
日輓終暎止陸彼思會猶于吳會此欲刊碣于燕然
或懼長江天塹代馬之隊要飲于佛狸或虞乙酉魚
歌五龍之師並窮于僕谷竝以左手爲重得人者昌
邇懷先覺之資請示太平之術先生默識道消知非
我用言違車幣獨嘯雲邁未幾天眷朔方帝唯北顧
耀黃星于紫蒙之野起飛龍于沈墨之鄉元太祖成

吉思皇帝雄武肇圖英剏郭社載聞絜德實企貞風

希三顧之勤伫同車之載

二語本元祖詔

命虎節授鶴書旌

璧殷狀褭輪俟駕先生審大兆之已歸念人羣于可

濟倘在此而宏施是已行而逾崇然後隨使輶經絕

域寶車騎出師之道跋履非艱張博望持節之鄉遭

迴且屈雪磧夜遶熱坂朝領山臨壇特異法顯之求

經水涉流沙似伯陽之去國遂見元帝于武帳焉天

酒既傾雲帟始設座漢文之席側對賈生陳齊國之

潦下顏東野坐而論道禮重三公咨而稱師敬隆太

傅祔夫聘道士于華井之旁召軒轅于朱明之石城

儀絕等固不同年而語矣然後告以清淨之理語以
無爲之道述儒生之經則云寡欲陋長年之藥唯曰
休躬其義正其猷遠詎似齊東五利煽事機祥海上
盧生恣其誕惑寇諫之重臺之上魏后遙祠李少君
穀導之方漢皇親受者平唯時太祖志炫極威力謀
躬併滅國五十旣異周武之東征絕塞九千未厭莎
車之西略或橐嘗歸之首或盡俞林之族海荒蒲類
曉絕夷歌山繞焉支宵間痛哭先生以爲天道好生
帝王去殺必信老氏三寶當以慈愛爲先太祖敬納
焉曰天遣僊師以悟朕志願命左史書之于冊爾乃

賜宗師之大爵呼神僊而不名比博陸之高助崇張
星之歲德誠異數也太祖軍儲或餽環衛自資先生
偶假煉金濟其時乏暫方王貢或驚大術之奇衡以
蕭垓且茂關中之績又亾金而後民人俘纍先生哀
之招免奴掠爲良者以萬千計方令江陵士庶歎解
黑獺之營剽下衣冠終免季龍之暴其匡善者宏矣
其破物者遠矣俄而水徙雷驚山摧岸踳動隕星于
處士徵坼石于文公桓法圖之白鶴方來陶安君之
赤龍且至時平脫屣且就羽化勇元太神二十二載
歲丁亥則宋理宗寶慶三年時也務光矚景殷丁空

肅主之來木正排煙姪后愴升堂之拜詔于大都立
長春宮奉鬻白是而來被教逾廣終南棲遁之地卽
敞樓居棲霞桑梓之鄉先間月館瀕縣城北玉清宮
者蓋亦奉靈像之所也若乃城畱黃歇卽表荆祠夢
入周公猶希魯殿羽客經行之地實起丹堂層間乞
食之鄉非無寶刹況以壤隣阡穀境接枌榆仰雲輶
于倒景劉棹則遺躡未遙滌芳跡于他年長史則舊
壇斯在御史中郎尙集同舟之侶祁連公主還畱訪
道之詞荆自初元闕乎三代市朝遞改塵劫再遷甲
館飛廉奄然搖落竹宮羅薦幾見疏蕪芝田涓風雨

之英桂樹歇山柯之秀縉紳父老等騁歌陽雨蠶蜡
時年驚蕙帶之傷林感雲旂于斷曉綴珠露于瓊裾
之側寢闕扉于綺筵之間爰究經營規乎夏始于是
從如雨之羣命成風之技徵梓材于徠甫討青蘋于
巴功龍首軒駢輦題矯天三危窅窅八景鏗鈿春窗
則青島交窺雕檻則班虬竝簇花迎鳳舞照畫壁而
俱迴鳥學鸞歌度林芳而不下靈芝煥炫迷茫法寶
之游璇閣森華駭耀徐宣之囑靈氣雜沓僊會容與
羽蓋兮霄幕左嘒猿兮右鳴鶴浮邱兮甯公來隨煙
兮去乘風四度者睇澤之鐘萬吹者法嬰之曲穆穆

乎肅肅乎蓋可得而瞻不可得而狎也昔者庖犧作
御死華降方野而授河圖炎皇應期大庭下濟陰而
敷太乙公孫親大傀之訪文命著雲華之拜是知皇
王秉籙愛資邁世之師大道拯時必啟蒼生之佑若
乃乘震威而揭訓道天命以敷誠不嗜殺人之言實
惟至教之本是則山中宰相功崇宣屋之前衣白尙
書道冠雲臺之上視夫錫子傳湯先明恭愛眞行導
夏惟述儉勤理貫一揆風斯共勅與僕也乾坤裒策
汀海浮舟仰止高眞服膺寤寐馬文淵翱翔頃日壯
志雖橫李鄴侯餐吸煙泉幽思且揭延望青牛之跡

徘徊碧雞之祠僊公杵日空爾殊聞羽士塵沙翻希
再見因茲郡會須予制文爰敘瑠徽載揚靈德配廣
野裴生之碣異淮甸八公之碑褚先生金庭翠刻十
倍甯論陶都水地肺亨珉千砾倘合銘曰

靈寶出法天元轉輪無名者道立極惟真或隱或顯
繼世繼人漢妙金泐唐精劒神東華協歷北海騰鯤
骨錄奇鶴襟標緯雲方流縈壁實敦貞筠定菴概想
藏密會真宏契天隱隆跡帝賓資用勒裏標障宙間
交暉五老冥德三元試通十二年躋甲申霞池鳳鼓
月嶠麟躡來看冢雪去畫城門劫殘青帝風偃毘嵐

石室要祕咸池謝春光齊炫紫瑞牕鏤鉅闕臨元水
幔引長林沙平聚玉霧睢罪金琦葉雕字玕花粲文
屏心雀翦鐘乳龍馱丹碑發井繁詠畱陰虹銷曲遠
風遞香尋雨隨少之石似佳人地迴緜嶠水卽虞淵
青天白鵠永望茅君

有道先生安頤蒨君碑

夫恢恢元德非万器而云緼落落風飄詎泥塗而可
汨土有裏芬芷懷琬炎遇日月動江海穆天緯揚王
庭或者無名以鎮樸爰藏之若虛越谷播芳蘭性甯
其賴賈墟璞街寶玉德豈易抑貞故有履節介石簞

詠衡下幽人係其吉逸民徽其度矯鳳歌于丹壑之
上煇元珠于邃穴之裏舉而愈芳挹而愈光者其惟
蔣先生之謂與先生請燵子子巖本括蒼青田人也
先代當元文矣味有在巫者因卽山陰宅焉高祖某
明宣皇帝聘賢良位河戶憲使曾祖某孝廉仕終縣
令祖某孝廉父某郡文學先生秉元和之淑氣含某
溫之令度性明水以其朗體凝岳以斯鎮少則慧邁
長擅宏通蔡邕見而方驚郭泰交而彌歎年十七舉
秀才校學使者溟陽許豸覽其文召進謂曰逸常之
器也達則爲主爲璋令聞令望不昧鴻其飛乎蜩其

游乎其曠世而獨清者乎由是芳稱愈流嘉貺載遠
咸寫崔實之作爭東王苻之帶文會者贈稿而請歡
才難者遺書而問道先生恬然不爲假也明烈皇帝
之末年兔舞周京蛇垂漢殿蝮殘蟻化鼎震龍飛斗
分吹熒惑之鉞地軸列蚩尤之戰旣而虞泉石薄霄
路鳥號金莖琪樹還歸犀角之營白馬青絲覆踐牛
頭之關斯時也永嘉流寓京洛冠裳或摧夏馥之形
容或託杜根之傭保蘆中漁父岸蒹桃花竹裏徵君
歌傳栢葉先生固已有騫然之志矣屬以承侍二親
未卽遐契周旋人閒又十餘載頃貢銜索再毀彈琴

成曲遂誓先墓絕吏車或有勸就仕進者喟然曰通
塞命也用否時也獨善求志斯固可矣且唐咨四岳
許由消搖乎沛澤齊設九賓少稷高枕于陋巷知幾
其神吾誰與乎于是練味元澹研幾寥廓筮發天山
之兆跡希夷惠之閒殫思六籍暢洩微旨若乃虞翻
受命固以知經言偃握文方當論學以爲聖哲之道
式備垂典宏闡之烈唯傳狂人然後舉束脩之訓倣
待叩之教辨諸儒之異同折羣言之淆正僭僭焉觥
觥焉方令淹中學士竝念張文蜀國儒童咸過孔氏
剽竊檀橋之館恍帶清溪仲淹汾曲之堂翻迎疏屬

地成虎觀山入雞籠絃被春風歌搖紫月或獎弭生
于瘠土之產或成季寶于牛衣之砌裁章儲壁者未
可得而稱也俄而貞期益劬純業愈臻公孫逾射策
之年揚雲逮擬經之歲然後同袁良而扶藥問龍公
以對字若夫宗炳舊宅羅含故階蘭菊恆滋煙霏且
結檐波鏡接窗原綺幃紺崖黛激蘋壁霞纂蔓谷牙
岑傾巒削岫靈谿合沓如通句曲之門雲術幽修似
俯媧宮之榭峯回偃蓋實哀貞松岸別離亭翻紫濯
柳將軍青竹之田倚于淇澳僊人叢桂之曲芳擅賁
禺爨芝兮別房春蕙兮交帶僊麇擾雪來祥辛繕之

家靈禽下風或是雷公之吏況以願歡白石曩迹遙
鄰梅福青山遺堂近接談易之處卽號明泉類硯之
餘因成績水于以樂仁知于以寄徜徉流連山澤之
交舞咏雲霞之契旣家世清貧又恥營資業龍洲橘
藉苞讓千封蠶月桑田陰移十畝范丹負釜幾欲騰
歌悶叔豬肝何因入市賓臧富人時致盛餽數謝不
獲風操愈堅張穆之布方來蜀道羅冲之馬先辭卜
臺卽逢蔡度自憚解襦終笑胡奴甯煩送米鳴琴在
室屢空晏如壇土之視曠然蘊卬之願斯鄙養志者
忘身爲道者日損此其謂與春休念隆神明獨茂值

天子養耆年優粟帛淡衣錦帶靈壽穀皮扶輦諸孫
閒造鄉社望者咸謂之神僊焉已而巢鷲徵凶耆蠶
告咎指期啟足泊焉就化以康熙丙申歲卒受齡兄
十有四嗟動遠邇空奔里巷諸公學士聚相議曰惟
先生抗九二之潛德秉元文之袷縵宏度雍損駕懿
黔婁必有美稱比休明夷白之號表史雲貞節之繁
諡曰安頤先生禮也先生性淳簡尤篤孝友雖在妻
子不窺怠容又口未嘗臧否純乎蒸治化行鄉閭李
仲元居西蜀管幼安在遼東無以過也嘗以明史未
就有意著述將顯功德于二祖昭王制于勝代光宣

室之丹青騷人之蘓萑采善鋤醜立爲世則朱方
隱者筆錄成帷東觀逸文流談若海討論歷年義例
甫就學館不戒卒毀于火束生十志無復略存謝監
百篇竝從煬沒雖懷兼雁之作終墮三長之業今其
在者目錄數帙文集二三卷而已旣少好學老而彌
篤言如監史臨倣衛侯受陋曹公唯稱伯業乘陰負
日未忘取書瞳子晶然轉受綠色誠沖異之宏詰夷
逸之退規者也門人孝廉茅君等或受宏成之后或
啟鄭生之夢或近林宗之德行或接田何之講論竝
已鬻封元冢鼎刻陞山下馬成陵豈不禽列樹山繡秦

潼駿走所君之祠堂流荆些翱翔延叔之靈經鄭泉
而布酌愴醉石于亾琴若乃朱公重器載勒清文太
傅貞珉甯虛穆頌不有所作其何述焉于是導元醴
以宏灑播景飊而流扇唱瓊絜之質父亮淵居之閼
光振泰養于樂詠騰遙懿兮洪芳其詞曰

民之初生載一哀樂適斯止矣衢嬉隴寤始雜元黃
方刊質故滋和滑甘焜離攘絜射性華招颺靈機步
曷稀膏鑠爭成桂蠹委獨何返初達何阻輒謁皇年
輒恢淳宇嗟伊夫子淵哉自我漫漫湧文優優天府
令儀令則爲簋爲簠井厥虹抽滄暉月吐師鳳覽噦

朝桐萼乳踰櫟負棟漂舟接瓠狂用金賢不提石抔
炳代雄邁出機默語撼頓衝薺滅沒鏡鯁翬穀辭蓋
豚莠別俎文卦戢坤天天動壘性亾賁白貞亨縈履
紛綸學固從橫義弩美鑿堯眉丹隨孔武席珍待問
聚沙而雨霧巾圓橋星言擊鼓樂談五色禮司于俎
身植綴裘口標脂戶欺曉真凝揮賓德杜節以雌安
仗微元柱羅角斯避寇陰不侮穗歌冬索雩謳春紉
山艸名人葭蓬作瑋宅依柳下園通菜圃菊水香杯
槐林碧廡谿成廉讓入欣鄒魯空畫宋纖還疑嘯父
望聖有息委和知旅季梁醫謁隨梧夢柳巖封積卷

雲低偃斧房摧辛杜庭迷霧雨歲月幾何川原白
旛遙瞻宿艸夏間相杵佩履恆存琴壺列背虛堂罷
盥聞櫺窠黍夜澗琤凡岌峯豁戶花牖風沓蘿壁月
嫵蟬疏露曄禽簇煙語嵐碧自幌樾翠空組宛宛
靈修幽幽令緒德餘斧藻文垂黻黼帝璞宛製神
嶠所鶴返天長鐘沈日午揭頌瑞室緬刑碩渠德里
鄭公賢亭徐孺陵谷何年明徽永序

餘姚縣復江橋碑

周制自都坰迨乎刻璽立官師主典役駟見火觀期
諸司里平津途斂井竇障波澤成津梁無不便于民

故著夏令志其時倣明受事之職爲政之要餘姚紹興郡東南邑雙峯懸峙大江中分洪流浩奔勢截子午城南門橋曰通濟綫石緱貫往來坦乘水浮閩陬陸步台勤輜軒傳符賈旅征宦縣人逐徵千暮百朝負扶挈攜繹繹旒旒就窘陷雍正四年春礎石隕圯平梁豁崩雨城劃張相望斗絕途子旅曹徘徊望洋遂歌渡河以增永歎墮石崿作橫鐔江流觸沈艦艤咸用險患于是縣令某君敕工徙石泊江南岸伐材構木置徒杠郭西偏規利道通路然而衝波怒輪騰潮激鱗谿淙谷湍眾匯渚赴羣疾彌歲困夫舟杭

頃之事聞制府制府檄下令必視舊法以爲民適令
乃召父老度財算計力役謀膠輦之制圖永底之業
勤官分之務復百姓之便于其歲常賦外十用取一
俾暨厥功眾惟允和遂上議于郡省首己酉二月某
甲子及辛亥二月某甲子凡三年始成崇嵒肩巔矯
天拔騫礎鬬砥平駢陞密緻蜿虹孤綳離雉遙合周
行安大壯于上悍泐殺蕩突于下騎乘聯闔檣舵愜
溜幢幢旋邁鮮遺阻艱邑之人樂蹈曩利以子方居
是邦庶刻乎文辭不泯其事夫國產美錦乘輿溱洧
孟氏陋之伯都惟惠析里旣僑續頌艾康今序賢興

庠課田兮氓日且重亟若夫釐毀治敗樹川梁以導
津濟固罔不離于政其勤有司宜所先焉其民不病
于取樂從令以啟其功是以彰敦慤之俗忠厚之美
考圖志橋建宋仁宗時南陽謝景初爲令始辟木跨
江以渡行者德之名曰惠元至順中浮屠惠興以木
久屢敗請州判官牛彬更以石而道士李士甯繼成
其事乃易以今名銘曰

姚邛之墟俊遺邦豪湍峽東睥睨雙鯨濤振渡愁巖
缸蘭倉謀謀謳吟囀干夫伐木空枝椿如堰鉅礪或
聚缸陽侯怒裂青龍腔睢盱矯虬隨逝瀧河梁雨雪

驚飛繫盤渦旋翻濫潏艘赤堇剖礎何厖厖萬金椎
牛擊鼓逢三年復手天路龐垂蛟倒影東馳江洞門
列扇鎖激撞重城中央貫高窗騎徒安歌樂負扛利
茲姚人毋置扛不騫永與三屏降

趙開府碑

大將一星主之者太白河圖九陣總之者元武蓋有
山岳精含風雲氣凝志凌山西蒙冠隴右晉鄭之頭
畢白莫邪無爭其鋒胡代之羣不驕騏驎猶奮其臆
桓桓猱猱洗洗言言漢武謂國之爪牙世祖曰朕之
禦侮誰或得之則都督趙公宜有述焉公諱某西涼

人也家守儒緒壯尙武略甘蠅更羸之射曾從蒯瞶
之劍中黃五音之術滋泉翟烏之祕莫不成誦枉口
從習得師龍鳥翔于握中風雲屯于帳底淮南奇材
三百句越君子六千一人當之彼未云眾有顧福之
魁狀無不侯之奇數關達慕郭汾陽乃從武韜之選
劉毅等張萬福遂登翹關之科明策殿廷擢美鉅甲
若夫列宿垂象羽林所以備非常周廬衛環句陳所
以奉太乙公豹冠錦衣緋紕繡衤居則卽將駢都行
則干牛虎士挽襮稍夾俾倪從甘泉經回中獵陳倉
絕輪隧率奔戎七萃之上嚴太常九省之伍承侍華

蓋畢罕之下往來雞翹雀旼之側果銳軒特英師彩
發負牙旂玉帳之望固已久矣出自禁近授遊擊將
軍宣府永甯都司旂鼓佐中軍戈戟耀絕塞荒漠積
雪孤城界天穹帳霍落羝駝水牧以時驛至族布關
下撫之彈之桔槔火平歐脫無事屬

王師西討荒落元舅大將軍八都統駐師境上治車
甲士減其大帥委備于公不鞭一貫三而終旬以畢
上言請自率一隊鏖戰皋蘭閒鼓少卿敢亦之奇奮
舞陽橫行之氣廷論以方守要陞壯而弗許甲戌遷
參戎閩岷領臺灣南路島郡卉服孤懸海中波浪迷

沒蛇涎鰐腥夷獠雜桀弛則易蠢嚴亦召釁公因剛
且柔制其俗性惠不窮惠威不罄威得其理宜樓船
靖焉己卯再遷辰沅路副總兵官越六年建大將麾
燾開府于高涼南越武王之餘壤石龍夫人之舊風
崩嶺糾互阻究淡毒硎賊裹戶箚弩利銑乘閒則狙
聚出劫捕討則蜂檄虺匿乃方略旣設而居人夜甯
又以爲縵胡之徒衽革之士性托干弦刃習成于弭
陵夫必令其知方然後使之有勇于是開講肆于馬
隊投壺矢于軍中給其廩粟親爲指說然後貅猼熊
擲者始知有孝經綸語書與尊君親上之義旋以服

去官起鎮嶺海裨弁偏校及荷父堇芻者先聞指揮
皆戢束自振至之日幕下肅然海濱黠兒或思狂嘯
公察先狐鳴蚤沃熒火懸渠首于轅門焚名書而不
治在鎮七載時當懸車遂乞致仕庚戌之歲仲春之
朔數齒八十循化大歸公慷慨明略本乎心懷服宜
五十年由期門輟騎至都督統三軍位一品而功尤
著于長州方爲副將時值蠻獠亂大司馬某受賑帥
禁卒會黔楚廣右三督府征之笮箐黑合炎氛瘴蒸
島道絕于烏攏鬼門危于人鮐機雨礮石鬪驅象犀
進者徧殤拒不可拔公身當前茅掩躋險壁奪天星

之砦破龍蛟之洞大師克入馘其雄酋環目鼻言之
種土船竹節之裔咸稽頭割面乞其餘生以是見遇
國家府用崇大然後被

賜良金之甲良材之弓文貂之裘文綺之服

恩渥屬繹以爲昭榮某年月日孤子某等筮葬梁山
之原舉駿行之所崇序景烈而揚煥旣美刊膺之鹿
將示生金之碑夫據鞍投筆終始于功名緩帶輕裘
從容于詩禮鼓鼙聽而可寄風飄聞而足矜是贊嘉
名爰書神表馨其華寵用紹前式銘曰

趙世名將雄于馬服壯族如山永昌威蜀人武空桐

風高代北熊彫遂騰仡居笠轂鬼方西南槃瓠遺族
蒙蒙未視羣吠相喉頓戔星翻援旗霍蹴銳我前鋒
剔其虺蜮庚鈴鱗鱗鎮扞南隩雅歌圍棋射場錫鞠
麒麟之袍白獸之玉矢則盧矢錫戈于項賁以

雲章爲彼勛錄啟我家光慶乃天福平原忤阡邱如
高屋巒茂松寒岡迴川伏惟蹠者龜澤珉隆告有辭
中存夏世畱囑

靈濟廟碑

郡北三十里三江口外抵大壑空洞無極山陰會稽
蕭山三縣水所歸牖吼然起堵立帶東衝波淩輪明

太守成都湯公紹恩爰始建作越荒于夏浸于春涸
龍蛇狎而魴鮒隣實不遑食與處東漢永和中馬臻
導鏡湖以救民病縣乃多可田其後唐觀察使皇甫
政闢陡壘地亦以行水明戴侯琥復于郡西偏築長
山茅山扁拖爲三牖通江時蓄洩備乾潦水沈于越
者雖少殺然患猶未息久之公由德安夏守來首相
土勢謂導水若驅大敵行軍師然非握款中害不可
終勝鑿道于山夾爲后關怒不可撼久以有截引其
咽喉委順腹腸自是三縣之民戶相慶不禍于水而
畝種時入爲利者溥矣初公在娠公父山西方伯夢

越人輩無算咸言被公恩奔走來謝旣降因以命之
名及壯果仕其地爲越世世保庸牕控跨堅岸蒼龍
脊伸啟門二十八懼久遠水族物恠或侵毀復刻經
星名像以壓之霖雨盛潄川湖渤凌守者搜其門以
奪其暴百流會洶眈眈下馳雷轂漂翻轍走弩駛士
女駢觀舳艫填聯指顧遺德謳思不忘方夫公之始
營疆紆滑豪諧沮浮謗昧胥懦僚利害難悚毅發不
易以究有功公之旣去民于牕所爲廟凡水作郡官
必往祈祈勿虔門卽啟而水如故歲辛丑旣爵公神
以侯號曰靈濟于是祀愈重廟愈肅民奔走者愈多

公之功鉅二百年而亦愈爲烈知其後之無窮來者
毋以妄易也乃爲詩授巫使歌焉返樂神以馨祀事
其詞曰

旭旭烈武侯湯所舉天則啟是俾以民母侯來其初
其績有序護勞嗟艱取若予煦民之皇矣游于魴鱖
水方族驕沈竈漂曰侯度以平枉作相土無沃無備
用勇自討觀其流泉載區載處丑見之扼破拔崕咀
槽之溝之旣社旣禱通假路戶聚下從所輦石土木
金以斛餼興于百堵沓沓潄潄時釐爾成血其黑狗
侯僚來觀羣用撫詡蚩蚩雄雄百足連柱遏其外淇

大樽枉國出其窳窪輯汝歸叟侯之作兮潮波是主
海宮濤靈侯令右左渤溘隱日滄茫之浦屋間北南
帶方明組侯司侯宣侯席侯有侯宮崇眈朱闔畫府
秩秩扈扈列刻鹿虞嬰鈴布環烹薦羞酒毛純毛采
刳睥牢牡糈祈糈瘞璆冕舞鼓侯穆降止曖聞眇靈
飛蚺兩驂旛旛虬螭前導江伯水君乘馬珥蛇赤青
八嵎龍首鼈宛蛟金曲牙甲爪腹豚鼻象鯢鯢委部
猶僕紛靡師翼庭伍侯醉具喜神儀雅雅元袞元玉
鐵鑪駮駮侈旂髣髴畱此靈璫輪輪蠻蠻或磔或培
貽我稻黍釜倍升畝朱繇枉子以鮮且飽冰犀豹漳

戴爲賢瘞侯壽無期祝爾終古

爲海甯相國作陳太保碑

兩廣總督陳公卒于位事聞

天子悼惜詔所祭葬如制贈三世皆如其官諡以文肅而祀之賢良之祠明年夏五月公子某等寔公涪谿山陰旣封來京師求文刻石以表于神道惟公顯于在官誠于奉國其贊翼在內而宜猷任事之績尤在于外嘗三爲巡撫後以節鉞開軍府于粵東西東南閩廣所至以理其大者書于史官而褒紀勒美之辭宜具豐碑以示永久予之所以銘公也公諱某字

某籍湖南之祁陽以進士起家爲庶吉士旣授翰林院編修乾隆丁巳夏

上親試諸翰林于乾清宮公特以文被知遇名在第二一卽改官侍讀九月遷爲學士凡四閱月自學士四遷至吏部侍郎公官之遷速也始雖由文字然

上察知公勤慎足任重大會安慶巡撫闕遂以

命公公自庶吉士爲侍郎出撫至是僅七年近世以來未有也安慶地接楚豫繫多盜又值歲儉州郡倉庾皆虛公至下有司嚴撙捕之令得盜五十餘人又獲其爲患于江中者由是屏息則議贍恤籌乏餉凡

可以濟莫不計畫之久之虛者就盈瘠者以起在安
慶二年移撫江蘇江蘇與安慶雖竝號上下江顧爲
治煩簡特異大抵安慶簡樸事少而江蘇賦最天下
地大政殷俗尙華侈好鬪喜訟吏多滋奸絜難整其
淮安徐海之地尤資麥爲會時連不熟而自金陵至
吳淞濱海郡霖雨盛作山水竝湧發田廬戶口多被
漂害公使所屬斂其歿者出官粟振之又發庫中金
遣人赴鄰省市穀賑之以備救恤復請緩漕粟徵事
稍定其明年淮徐歲饑如故民皆采食蒿柘殍殣滿
道路公使吏覈其尤餓者按口而籍之借給官糧兩

月且以聞于

上得留漕七萬石以振鬻壬戌七月黃河大洩石林口合諸湖水勢洶甚興化泰州被患尤劇公聞之親馳往視令多具舟船徧之鄉里凡戶居墊卑將就浸沒者悉載之出水使處陵阜而振之粟與錢諸漂流失歸者皆爲安集之復慮農佃者春無以耕請官酌與資使家得畜牛而借其粒種凡撫災邁水者再邁荒者六悉力濟之而吳人得安者惟公績也時有上言禁民藏粟者戶部以其議牒行四方公以爲使有粟之家必令出賣毋許多積則市價大賤粟將他販

至夏殊交民間轉患乏食爲計非便卽以言于朝于是任江蘇五年矣

上念公之勞也丙寅七月加階太子少保因使公撫閩人或言海上有島十四計爲田萬畝餘墾之可資民人會前撫請開之公以海外地久在禁令一旦往墾聚人必多尤慮生姦若設兵彈壓爲費彌甚于事無益輒奏罷之臺灣地懸海外舊制以其地廣歲再熟而出穀多也常使內運以食漳泉之民其後居戶益衆耕寡粟少異于初時而內運歲額如故然實無以應文書空行者二十餘年謂之壓欠公視牘知其

弊奏而罷勇又念臺灣本重地爲閩門捍不可無積
貯乃請定儲粟四十萬石爲著令閩俗視吳九悺山
海遐僻奸宄所叢公蒞以明察而持之嚴整故吏皆
振起旣連撫三省益洞曉當世事凡所陳奏咸中機
竅多報可勇初湖南人仕于

朝而位最顯者故尙書總督武陵楊公前兵部尙書
茶陵彭公兩人皆天下所知方公入仕時武陵已久
在位後卒與竝爲督撫以印相受代而其選庶吉士
也爲雍正十一年癸丑則實出于彭公之薦及公旣
大賢尤能以其小心恭謹結

主上渙知是以被遇優而倚信愈重歲丁卯自閩撫
召拜兵部尚書俄轉吏部旋協辦大學士頃之晉加
太子太保己巳七月出總督保定未幾還

朝庚午春

上以公爲兩廣總督先是今禮部尚書王公撫廣斤
斤持法繩下人稱其峻公亦謂吏治宜肅毋徒爲寬
容自大吏以下有欲糾劾直舉奏之多坐法者曰吾
知盡職奉

上而已甯以怨薄自嫌視事二載當乾隆辛未歲人
謂公且復入爲相乃公以勞勤屬疾疾且亟矣公于

爲人外靜積而內渙周嘗爲丙辰丁巳同考官己未
殿試讀卷官戊午典試浙江戊辰主南宮試故門下
士特盛其撫吳也吳舊多陂堰圩塘或有久廢者而
自辛酉之被水也又多潰毀以其功鉅費重人不能
修公出官粟數千以借之召民興庸計時而工畢于
江浦縣繕三合永豐北城之圩于句容縣復郭西塘
南堰壩于蘇州太倉疏劉家河灌漑瀦洩得以時便
其在閩廣督尤赫然公之服也爲八月某甲子方疾
既篤尙拳拳

國家予蓋觀公遺表而歎公感

上厚恩盡庠祈報無忘須與二十年如一日也予與
公同姓在內閣也于官又同知公爲淡故敘公生平
凡其見諸當時施諸事爲論定之在天下者不可得
而沒也銘曰

憲憲陳公起自南服實挺而生天緯用穆有加特達
遂登球玉宜卿宜尹惟亮惟恪

帝曰貞哉汝諧朕牧東南汝昇往以功速其猷既告
吳楚是釐人嗟于塾公振其危人嗟于饑公哺之饑
亦五六年載度載咨人瘠公瘁人腴公怡迨閩及粵
德施孔皆尙書佐命允明允翼

帝謂輔予以表百職保傅優崇寵秩光錫將相出入
刊鼎勒帛太常書勛番番奕奕祝融洞庭增壯象色
惟人之瘼公慰綏之惟

國之經公贊扶之公平幹止身實勤之以承

眷衮宣永申之上諡揚之榮典將之令辭有式厥後
是貽

劈石神君碣

越之民也磯睹木石田隴閒少詭輒奉而神之曰不
然且以有禍郊郭墟鄙晁廟盜牲祀者錯有焉山陰
縣西攀樊塢神劈石司之或言其里之先有夢偉而

介者喝謂帝實命予享此土爾其社事予否予汝哉
遂斧道上石分之曰用示汝且起奔視果然相告駭
異時血食因以名其廟先王之制法施于民非祀之
以歿勤事則祀之能捍裁禦患者則祀之非此族也
不以亂厥典郊特牲曰古之君子使之必報之故享
農及郵表畷迎貓爲其食田鼠迎虎爲其食田豕昔
者榆罔孔甲之帝紂桀厲幽之王聿豕顧昆吾之伯
則黃炎氏之祚夏后湯文武之孫子然于其祖宗不
得預享于其後世不得立廟惟德弗若而虐以害人
生猶將席誅之又況其鬼乎先主于天下苟有功禽

獸必與會使誠無功天子諸侯失位滅國餒不敢歆
夫南向負賢其取精用物魂魄之異豈勿若貓虎哉
然遽斬無秩何也懼亂人鬼之序而以俗淫惑也先
王惠民州邑閭黨皆有官司其政令安其居處不迫
者威制而浚民私豐在所戮乎所縱畜乎帝之授神
猶王者任官兇愾獻昏曷敢冒焉考舊牒神始于元
時洪武初將軍湯和等引兵攻越將屠其鄉神憑告
以免乃請于朝廷爵之都督嘉靖中倭人寇亂至塲
中見神擐甲驅之始遁去民用復全由是夏肅其宇
致牢豚歲歲祀禮曰大夫以下置社周典也故封亭

里落咸有位備禱雩禦兇慝俾民賴焉夫神捍裁患
以惠其民赫赫若此享祀之奔走之軌曰不宐吾特
慨夫人之惡于正而好爲不祥且誣之以狂瞽之厲
而淫未息也夫不祥而誣淫者天地之戮物也故揭
焉傲畸鬼者

銘

禹陵銘

馮翼無疆之爲大變化不測之謂神惟神也故能通
天下之志惟大也故能成天下之務若夫參鈞治贊
幽明開物以冒乎道裁成以佐佑民撥相夢而得茲

華挹三五以偕步驟古夏后氏有皇極之建焉昔者
祕電流樞紫氣表壽邛之帝瑤虹臧月清明誕若木
之君承家連聖不俟千年紹體徵奇昭于奕葉蓋自
白馬庸唐元負列伯石紉育雞九之瑞金精耀龍豕
之祥所以繼天測靈柄眞撫類徵固太極挺桐葛萌
若夫虎鼻鳥喙殊其度駢齒參漏異其質戴鉤鈐之
威懷璣衡之道應古靈而稱帝履文祥而錫名是聖
人之天授不違者其德可親者其仁右錫以左規聲
律以身度儉勤既克滿假實融于焉幹蠱告忠崇郊
復孝是聖人之元哲古者二靈陳樞五德未正爰自

陰康烈山之世嬪有濫洪震汨之裁其工夏薄于窮
桑赤縣將鄰于細柳陰行始乎淵獻當九六而數窮
水府逆乎填星雖勛華而曷救匏瓜不固其石將復
廢極而沈州赤帝徒司其方無以發英而生寶夫乃
前河擔爵射彙興庸象三能以奠川任中宮而敷土
抑下鴻于八載填沈藩于九刈袒媛白水之上睹其
憂勞奇子紺谷之中笑其毛髮逮乎黃經按歷蒼使
告期龍門旣開呂梁無阨四隩宅九州同作乂于萬
方施功于三代相柳絕歆羣帝藉以有臺支祁不伸
太壘斯焉凝竭沐日浴月爛此光華鴻沼玉淵返其

沈戾是聖人之神功由是度東西之高下正南北之
廣輪相原隰而作吟哇任膾脞而胾殖殮士交風而
不離民鼓舞以咸宜六府修九功敘司馬得導其三
農司徒得敷其五教是聖人之經緯絕地通天而後
民人不糝于重黎賊行亂德之餘精禮或率于妖孽
向非亶靈之有作何以祓莪而備民夫乃驅龍馭于
翠岑駕鸞梁于紫渤經日月之外迷風雨之鄉范形
山海之圖象物陰陽之鼎青烏白澤掩軒后之載書
十日九嬰邁丹陵之命射是以禍暴弭神奸窮無害
無虞不逢不若岳棟檢元都之印江河奉金篆之封

知幽明故爲山川主是聖人之贊化邦貢旣作夷琰
自來利用尙象而器數立包錫茅入而綱紀尊丹銅
鑊翟金絲競奏于方州貝闕珠閭龜玉環登于海服
何天龍而受其盛王會而來享是聖人之制典于是
元龜協吉澤馬銜貺洞庭會黑風之紀河壇飛綠錯
之文雲龍信躍而遷虞鐘管革調而啟夏然且翼于
大賈讓在泉陶以至鶉居有斟雉之風而女醪輟御
粉藻有徽琴之樂而只壁是輕方復遜德于二皇納
勛千元昊是聖人之撫挹百事考于廷臚言采于市
式隨耕偶俯仨巖阿四海載道者迎握沐而俱來五

器聲門者侯投滄而併動晉侯之體咸燭魏闕之羅
不驚是聖人之廣運把瑞令于元宮築刑塘于鐘阜
曹魏之猾斯剪屈驚之消乃平萬國震疊而言歸九
流承鏡而服化是聖人之神武用以鈐天揆地正歷
辨風山歆徵仁燕衣饗禮輶車六維綏旆九旂三幣
操五罰定好緣而惡駟尙信而賢忠是聖人之宏憲
夫其勝術簡乎帝忠敬德稽乎天若續續錄而振黃
圖行堯道而修舜緒有君民之大德有事主之小心
膠漆無約寡怨而物親愉易昭風未施而民化故以
侈城郭焚甲兵天下無鬪百姓仁遂天休效地祺集

亥旣呈珠渠摻視服跣踈弱水逐飛兔而俱來玉女
琅風挾祝融而竝降扶登驗律金山漆樹之鄉昭明
測辰夸夫壘民之域其顯令也如此其光被也如彼
豈直燧巢荒略太平惟吁倨之風姬子謨猷苞歷臨
干戈之命皇風穆矣明德遠矣是以化訓九原颺功
于虞帝執中三善無閒于縈王宇宙嘉懋其平成健
順允安乎翕關故曰禹者備也備以續洪業夏者樂
也樂其駢三聖業殊茂故埒文祖而稱神聖以至故
妃重華而號大公子觀之而不窮大夫歎之而已淺
是知入域未優乃陋儒之琦辯衰德傳子乃標末之

口啍歷陽贖幣豈勞于玉燭之年蒼梧縛人甯泣于
醴泉之載乎至人達化原始要終二龍東浮甲馴爲
奇九山南望苑宛何多視此會計用藏弓劍拂驂霞
景聊從鼎湖之游脫屣車書遂罷塗山之會殊雲南
之博葬異渤海之高營范林不列于九嬪絞葛無煩
于四衛臺連虞狩九面之陵遠迴洞接朱明千里之
雲自起下周廬于太乙遂播風于帝江作廟奕奕乃
刻角而丹楹奉璋戕戕儼受珪于碧月木客大豕猶
庇曾孫之墳百蟲將軍言侑呂臣之祀雖復貿遷朝
市縣邈山河茶陵天子墓氣方沈衡岳炎皇冢圖永

閉貞珉長揭帷餘安息之封靈沒遂湮終似瀨鄉之
蹇然而其負既免乃粒殷歌是則秦皇肅濯仰此明
仁漢后遙祠感乎至德稟神服教百年畏軒帝之臺
樹岳流江終古麗盤皇之宇銘曰

太極既成乾坤乃行洪荒混茫狂獫狝杳冥珠繼聖
比葉書靈亭形毒氣拊物導名其功則融其施則遠
理剝數蠱元屯黃蹇載啟大通經綸天險兼德堯俊
籠光墳典神珠受氏崑石開祥疊疊穆穆爲紀爲綱
吳刀羽野焱輪月傍雨沐風纏標趨楯行智以神行
道由利故括象通原崑崙察扈心罔弗辰冠挂不顧

析形八區哀歌三過雲華訪道春皇授策龜印泥青
河精字黑肅兵天老擁川五伯熊化輶轅牛分峽石
流沙西寫漏陸東擁赤淵分穴咸池匿天三叢壺粟
九點齊煙山明海靜星黃喬鮮範疇協昊元圭錫帝
倉溢艱秦壤縣擎地暨朔敷南東漸西被禘軒成世
賓均裸祭唐日夏就嫫風再黑二武慚紹五稱北間
朽索馭馬關后和釣玉帛輯瑞禋柴合神郊引青瑀
庭墟元武大越山靡九夷路阻始從宛委復于覆釜
龔乃衣裳遏馬錡鼓北瞻穀林南通紀市鬱鬱相望
參參互起日月流天江河行地神之獲哉靈其皇矣

幽宮拂漢虛陵隱岡鳥耘晚陞鳥會朝桁松如舊社
梅非故梁劒沈山而斗落鐘出隴而螭翔涸岷山之
扁水泯安都之石房惟懷德今日新與溥利兮流長
千春兮萬古瑤瑱兮椒滌

大夫文種廟碑

吳之亡也子胥殉之越之伯也范蠡與種成之越既
滅吳蠡以去而全種以不去而歿論者于是多范蠡
而短文種自子觀之若蠡者誠得爲智人矣抑其未
可謂之能忠者也夫忠臣者事其君不顧其身仕其
國不易其志危以計其安安復慮其危孟子曰有安

社稷巨者以安社稷爲悅者也安社稷者非獨禍患
之至而謀其保全也禍旣平矣亂旣定矣猶懼其業
之或搖事之或變而淡計久遠子胥與種之志是也
方蠡從句踐于吳忍詬辱甘毒苦率以其術教句踐
復國而興焉蓋蠡之才過人遠矣哀其才挾其術始
無所試乘句踐之困而遂用之以顯乎天下傳乎後
世蠡之所以自售其奇其後不仕諸侯而去銜于賈
使長子以千金得罪壯生而次其仲子且夫父子之
間人情所至無已也甯忍其子之殺于楚以明其智
之非謬況于句踐非有父子之親骨肉之愛哉蠡從

其主于外而種爲居守至于三年種才足以有眾政
足以得民使誠欲富賢陰說吳殺句踐因舉其國而
君之亦吳所甚利而勢所易便然勞苦治其國以待
越王之入而卒成五湖之功春秋以來未有如種者
也且夫豈亦當世疆主也能報盭盧之仇于始不能
不遷甬東以終越幸滅吳無敵國之患而句踐功成
意荒將足以致敗亡此九種所深懼故不欲去而思
附身以濟之不然越王之爲人與蠡所遺書以道種
者明達如彼而甯莫之知哉越自漢至今世立種廟
以其有大功而又哀其不如蠡之去而同于子胥之

死而未嘗得其所以爲心是安可不銘而暴之也銘
曰

伯越之烈若種與蠡蠡謀其身身冥而飛宰禽南陽
遂爲種疵身知其賢將越自持非智則圖實忠而危
奕奕高寢神山南陲民惟功懷千祿不違

秦鹿銘

秦雉宛獲暴倚周鹿斲桺詐圈凶豢慘畜鹿懼挺走
洩籓崩瓦亥欲觸寇高乃指馬伎伎之奔遂歸于劉
劉鑒秦失蒼之以柔攸伏安固漢甯七占炯戒斯懍
無俾鹿仇

鎮東閣銘

樹侯藩設都邑宮室臺榭必有瑋絕傑麗之觀表雄
儀壯威勝也越受國古惟鎮東之號尊著會稽昔若
左潛以名其官乃開皇中層墉是封武肅烈烈軍揭
其闕閣乎中邦實瞻四方鵬雲垂垂鰲岳祁祁鷗激
鰲峙嶽業巔屬北鎮龍首過蹙怒吼飛桷絆虹千拱
櫺空日敞嚴旦乃刻蓮箭戒其不虞蒲牢以吐金鯨
閉鳴鬱攸是甯蟠蟠赫赫蒼龍之翼衛俠堂皇如手
斯張正是南北燦列面目壽基其千東甸所桓無隧
而塋日永用保以觀爲政之道

羊頭山神農井銘

井列于羊頭山北始爰稼穡秬黍入穗以潢乎赤醴
是惟帝之所啟銘曰

常羊誕靈九井自甞神之所爲不知其然岱土變燥
飽民于恬玉于童蒙藏化居淵梧啜而飲瓢思思賢
太乙吐精勿慕勿宣潛英渠渠味爲璇源嗚呼噫嘻
瀨鄉蒼茫神汲遂遷社本穴石知幾歲年惟茲窪如
有洫其甘贄以中冀太行之幹儼厥東井咸池駢闐
炎陵是望終古孔存

越王崢嶸歐陽尊者道場銘

越若天犧渡漢元樞運軸之初遁甲開山大禹承珪
之朔尾閭南北巨壑以交波蒲壁春煠文身而其穴
五百艘之竹箭未上秦涇三千界之鋸光但搖周殿
詎復勞陀縣湧寶香關微妙之樓優曇逆薰金粟做
清涼之地五明盛土于此敷衣十地應真言來置鉢
越州越王崢者蓋句踐保拒之邊也自昔廢亾橋李
則怨切魚門井湍夫椒則形危獸角五千甲楯先寵
會稽之棲二萬習流未極姑胥之燄殺龍虵而祀川
岳刵牛馬而祭昆吾星漢虹蜺河梁雨雪玉門之策
旣泯紫宮之運屢遷戔戔臥壘斷絕烽煙虵鴻環陣

漢迷陣氣乃有阿育神王華首尊者東揚行化震且
流慈兼十香象力以宏風現一梅吡身而說法入屠
羊之肆卽是梵天役辟蚩之靈樓開闢若斯地也孤
雲一握則峻書岐陽赤木七盤則傾煥危道錮猿絕
壁斜俯輕雷朱鳥春窗旁懸列宿秦皇風雨望羅刹
之鞭臨海若波濤驗蓬萊之土下雲圀寶堞參差飛
瑪瑙之光林鎖紺堂高下鬱多羅之色乃若安居上
刹巖護雷音清淨涅槃河周香樹則金山不壞瑞相
常存恆勝舍利貯入金之壇無事羅縣殉難支之塔
四天回向三界皈依蓋夫久也所從來矣至如願力

長孺神通希有廬山扁竹于此復聞吳女殘良方斯
非儼泉隨杖屐無煩疏勒之刀并應到來便等楊枝
之咒熾然大寶縮以不虛者藐僊人戲而難攝可爲
邈矣獨宏哉然無際者也是使文殊童子拜問三摩
未利夫人祈參七會聚龍華而滿願捨象寶以咸歸
五炳心鐙恆銷意葉慈堂宏啟覺岸遙登轉法輪于
微塵悲露漚于彈指何年電火雨兵已散乎空花今
日雪山遺鏃更生乎藥艸修羅見池之水合功德而
成流提桓冑樹之林挂珠璣而不落銘曰

大道元接真人盛宏如斯鹿主譬彼醫工戲化渺迹

誘攝何踪無相有相非空卽空騰猿落箭駭象摧鋒
圓如定鏡徧似風藉地平怨疊山肢祥峯巒浮晚碧
花笑春紅遙枝桂殿紺蒨蓮宮玉露甘葉金風吹叢
無兵洗雨有鐸吟風管沈萬馬天環八龍剎翔鋹鴿
幡舞珠虹雪傾崖瀑雲屯石塘月窺羅沼煙結霜松
神山遙望游臺幾終靈英何處還來古雄

負枕罌銘

童子游海上見異魚焉蓋失水而需于沙者也海濱
之人剖之剔之遺其首若魁父云章子發之挈臂之
獄其中者召工削修將以爲弄玩之屬工熟診曰嘻

是鼇之子也材實中鬼罍請無償稍而參分焉可六
許之琢刻磨刮六十有奇日成巨罍二其質若聚雪
其文藻然填以酒色殷殷外逼試盈注冒上累黍頓
虛而不流章子異愛之有敬客始舉爲享視金犀瓠
木玉石之族之役乎飲者咸勿若甚他日席予而進
焉曰子亦見夫取諸物之易得而可珍有如是也夫
應之曰何爲其無也誠若予所識容有甚者蓋昔智
伯之彊也三晉不敢與爭卒折首歸趙氏而襄子得
周以爲皿月氏王挫弦十餘萬憑其衆輕匈奴終受
馘老上而輸飲器宋之理宗身爲天子未幾髡病者

或利其蛻而懷之窮藍萬里之外彼非天所爲賔而
大異于物者哉向誠善所用以爲藏身之固安使人
人皆得而用之是與也方其相忘江海從潮汐而鼓
風雨涉不測者且惴惴若啗是懼輒敢意乎制之命
而材其身及夫鱗鱗既暴困螻蟻而親斧斤而如子
者亦且得取玩而侈其異矣子間周禮司尊氏掌雞
鳥虎雉六彝之數皆有舟所以戒其溺也是物也出
乎淵潛而升乎尊俎以供子與賓客之飲其不可以
爲戒也與章子曰然幸銘警之將勒乎是以代夫書
紳銘曰

龍不可狎以神其用乎或戲魚服不困余且乎壯風
險濤甯非汝資乎胡失其據而幾時登乎甯暴而不
悔乎將抑而無恃乎夫吾與子之異鼃何以異也鼃
兮鼃今日御于側尙思勇于不敢則活者乎

銅雀研銘

有持毀角銅雀瓦研來市者予因而得之戲爲之銘
毀瓦塤志來倉耕石田歲歉穫何時銅雀鳴令我五
穀熟

天然研銘

生質之美其自然者天耶瑕璣之懼所不能者人耶

苟內美而勿傷可以反吾真也

月斲銘

研規履隆然而矧其趺予時用者云

吾知方而不知圓人畏其稜角而峭厲吾知圓而不知方又何取乎摩稜之不剝必濟南之備焉義有需乎相濟故曰友以勿咲等汝于韋弦之珮

蕉葉白斲銘

俞氏子有小石峴將以供丹黃之役子試之甚發墨而佳蓋世所云蕉葉白者于是珍而銘之

是覩其生白也不知其能守元也元德淡矣其何受

乎采耶

雷斧研銘

銳上兌下厥刃鉞鉞若雨在田其潤德若雲屯膏其
經綸是以子之佐子也倚柱而不驚于霹靂予之資
汝者脫穎而常挾乎斧斤

風字研銘

予藏風字研最良且从閒效孔文舉推合之體銘之
不以抵鳥別凡璞試用其中一拳足斐几空聊注爾
雅蟲

程氏墨銘

所藏君房墨有最偉者狀如古珪璋世所寶賚或爲人取去輒復得之喜而爲之銘

昔之去以爲入于寥天也今來歸若季子之可喜也人之愛子兮然實勝子而終俾子從豈近元者元亦近之耶

陶器銘

有陶者壺小大俱一大者吞斗小僅容合何竝形均賦而異受殊德太山垓豪殆當有所廢耶曰不然制用者爲能因器以任材而通道者將以不言而齊物無可道人柳冠銘

柳產海南安隱厥樹誰剗爲冠令走中土亦如無可
本家荆岑東觀蓬萊遂爲齊民無可與冠冠與無可
夏幾歲年隱轍何所如風吹波迴石別左無可知其
然不如脫而歸之于我